



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 27. Mors Cardinalis Pasquæ.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

Sæcul. XVI. **A.C. 1565.** Ranutius gerendis maximi momenti rebus præfectus Ecclesiæ utilitatem toto studio procurabat, atque Tridentini Concilii decreta in sua Diæcesi exacte observari studebat: postquam vero Bononiæ Divi Petri festivitatem celebraverat, atque inde reversus Parmæ Fratrem suum Octavium visum ire perrexerat, ibidem feria secunda die vigesima octava Novembris hoc anno nonnisi triginta quinque annos natus mortalitatem exiit, non sine ingenti sacri Collegii luctu, præcipue Pii IV. Pontificis, qui hujus Viri pietatem, ingenii aciem, ejusque eruditionem plurimi habebat. Illius laudes Borromæus Cardinalis in pleno Patrum Collegio deprædicabat, & Cardinalis Sadoletus hujus Purpurati merita, ac præclaras ingenii dotes digna laude extollebat.

*Sodal. l. 15.
p. 9. & 10.*

§. XXVII.

Mors Cardinalis Pasquæ.

Sextus erat Simon Pasqua alias de Nigris dictus, Galeotti Guilielmi Genuensis Patritii filius, qui a teneris jam annis Philosophiæ, Medicinæ, linguæ Græcæ, ac postea Theologiæ operam dabat, in omnibus hisce scientiis excellens: unde Genuensis Respublica, cum tanti Viri merita maximi haberet, eundem Legatum in Angliam decernebat;

bat, ut Philippo II. & Mariæ Reginae Nuptias faustissimas precaretur. Refert quoque Petra Mellarius, quod Simon tanquam Medicus Pio IV. intervenerit, atque ab eodem Lunensis in Etruria, & Sarzanensis Episcopus creatus, ac postea ad Tridentinam Synodum ablegatus fuerit: cum autem Vir esset doctrina, morumque integritate conspicuus, ac fidei Catholicæ contra hæreticos tuendæ studiosissimus audiret, Anno reparatæ salutis millesimo quingentesimo sexagesimo quinto a Pio IV. purpura decoratus est: eodem autem anno die quarta Septembris tum annos septuaginta duos natus animam Deo reddidit, corpusque ejus in Ecclesia sanctæ Sabinæ, cujus titulum gerebat, reconditum, & postea Genuam in patriam suam translatum est in Templo sanctæ Mariæ de Pace apud FF. Minores de Observantia sepultum.

Sæcul. XVI.
A.C. 1565.

§. XXVIII.

Vicecomes Cardinalis Naturæ debitum solvens.

Septimus erat Carolus ex nobilissima Mediolanensi Vicecomitum familia, ortus regiusque Senator, qui Anno Incarnationis Dominicæ millesimo quingentesimo sexagesimo a Mediolanensi Magistratu Orator ad Philippum II. Hispaniæ Regem

Ciacon. t. 3.
pag. 963.
Pallav. hist.
Conc. Trid.
Aubery vie
des Cardin.